

* Funtzionarioek «zalantzan» jarri dute politikoen zeregina

Logroño-ko espetxe-koek ez dakite «ahal duten guztia» egiten duten

Logroño-ko espetxe-ko funtzionarioek zalantzan jarri dute botere politikoa ahal duen guztia egiten ari ote den Jose Antonio Ortega Lara lankide bahitua askatzeko. Legebiltzarreko Giza Eskubideen Batzordea, berriz, txosten bat prestatzen ari da Ortega Lararen askatasunaren alde, eta bertan «neurri administratiboak» eskatzen zaizkio Espainiako Gobernuari.

Agentziak / Logroño

«EZ DAKIGU nahikoa egiten ari den ala ez, baina emaitzarik ez dago, eta horrek hainbeste denboraren ondoren —16 hilabete— pentsarazten du ez dela ahal den guztia egiten Jose Antonio etxera itzul dadin», esan zuen Logroño-ko espetxe-ko funtzionarioen bozeramaileetako batek.

Jose Antonio Ortega Lararen lankideen ordezkari horrek azaldu zuenez, inoiz ez dute zalantzarik izan segurtasun indarrek, «ahal duten eta uzten dieten neurrian», bahitua askatzeko ahal duten guztia egiten dutela. «Ordea, ez dakigu maila politikoan jarri beharreko guztia jartzen ari ote den», gaineratu zuen bozeramaileak.

Bestalde, Ortega Lara ez dela «inoren eta ezeren truke txanpona» azpimarratu zuen funtzionarioen ordezkariak. Euskal presoak Euskal Herriratzeko ETArekin aldarrikapena dela-eta, horretan ez zaiola «txantajari amore eman behar» esan zuen.

Horrez gain, euren lankidea zein egoera fisikotan dagoen erakusteko duen argazki edo gutun bat eskatu zioten ETARI.

Ortega Lararen askatzearen aldeko enplegu publikoen plataformako bozeramaileak, berriz, segurtasun indarrek «gehiago»



Logroño-ko funtzionarioak, espetxearen aurrean asteazkeneroko kontzentrazioan.

RAQUEL MANZANARES / EFE

egin dezaketela adierazi zuen atzo. Hori dela eta, polizien arteko koordinazio hobea eta herriarren kolaborazioa eskatu zuen Calafatek.

CCOO-ko ordezkariaren iritziz, politikoei «gehiago» hitz egiten dute negoziatzaileak, eta eragin kor-tasun politziala baztertu egiten dute. «Badakigu ez dela ETA bukatuko neurri politzialen bitartez, baina hilketa bat edo bahiketa bat dagoenean, egokiena erantzulea harrapatzea da».

Horrez gain, bi bahiketen artean «neurtzeko modu ezberdina» dagoela salatu zuen Calafatek, ETAK bahiketa helburu politikoei edo ekonomikoekin egin duen. Horrek «permitibitate eta jokatzeko modu desberdina» dakarrela uste du.

Leizaola eta Markiegi Bilbon • Bestalde, Joseba Leizaola Eusko Legebiltzarreko presidentea eta

Xabier Markiegi arartekoa Bilbo-ko kontzentrazioan izan ziren, «euskal herritar gehienek bezala giza eskubide oinarrikoen urratzea salatzen».

Eusko Legebiltzarreko Giza Eskubideen Batzordeko presidentek, Jose Antonio Rubalkabak, Jose Antonio Ortega Lararen askatzearen aldeko oinarriko txostenaren iradokizunak asteon Batzordean osatzen duten alderdiei.

Txosten horretan, espetxe politikari dagokionez «neurri administratiboak» eskatzen zaizkio Espainiako Gobernuari. Neurri horietako batzuk Ortega Lararen ematearen anaia Isaac Diezek eskatu zituen iragan ostegunean Rubalkabarekin izandako bileran; besteak beste, segidako hauek dira: euskal presoak Euskal Herrira gerturatzeko eta gaixotasun larriak dituzten presoak eta zigorraren hiru laurdenak beteak dituztenak askatzeko. X

Polizia Cosme Delclauxen bila Loion

Antza denez, salaketa faltsu bat izan da ekimen politziala eragin zuen arrazoia

Agentziak / Bilbo

ESPAINIAKO POLIZIAK operazio zabala hasi zuen goizeko zazpiak geroztik Loiu-ko (Bizkaia) baserri baten inguruan Cosme Delclaux, ETAK bahitua duen enpresaria, bilatzeko. Furgoneta ugari eta inguruak zaintzen zituen helikoptero batek hartu zuten parte Larrakoetxe auzoko baserri baten arakaketan. Ordu eta erdi geroago operazioa amaitutzat eman zuten emaitzarik gabe.

Bitarteko ugariz egindako arakaketa hori Espainiako Entzutegi Nazionalen Ismael Moreno epailearen baimenaz egin

zuten Poliziak. Ez da atxilotetarik izan etxe horretan.

Espainiako Gobernuak EAEn duen ordezkariak azaldu zuen operazioa poliziak jasotako salaketa baten ondorioz jarri zela martxan. Horren arabera, baserria Cosme Delclauxen autoa agertu zen lekutik hurbil dago eta Zamudioko Parke Teknologikotik kilometro gutxitara. Azterna horiek, eta Enrique Villarrek azaldu ez zituen beste batzuk, eraman zuten polizia pentsatzera baserri horrek zerikusirik izan zezakeela bahiketarekin. Emaitzarik ezean Poliziak barkamenak eskatu bide zizkien baserriko bizilagunei.

Espainiako Gobernuak Bizkaian duen ordezkariak ordea iturrien arabera, (orain arteko Gobernu Zibila) ekimen hori segurtasun indarrek egiten dituzten ekimenetako beste bat izan da, nahiz eta orain arte egindako arakaketek ez duten bahituaren aurkikuntza eraman.

Enrique Villarrek EAEn Espainiak duen ordezkariak, bestalde, esan zuen atzoko operazioak emaitzarik eman ez bazuen ere, agerian uzten duela zer egiten duten bahiketen aurrean segurtasun indarrek, eta baita zer nolako zailtasunak dauden emaitzak lortzeko ere. X

Hilaren 28rako deitu dituzte HBko Mahai Nazionalakoak

Auzitegi Gorenean auzipetze autoa jaso dezaten

Erredakzioa / Donostia

JOSE MANUEL MARTINEZ PEREDA Auzitegi Goreneko epaileak hilaren 28rako deitu ditu Herri Batasunako Mahai Nazionalako kideak, haien kontrako auzipetze autoaren berri emateko. Martinez Pereda ETArekin kolaboratzeaz akusatuta auzipetu zituen Mahai Nazionalako partaide guztiak; egin beharreko diligentzia guztiak amaitu, eta epaiketarako prest utzi du auzia. Baliteke uztailan egitea.

Mahai Nazionalako kideak joan den apirilean irten ziren espetxetik fidantza ordaindu ondoren, eta epaileak hama-bostaldiro epaitegian aurkezteko agindu zien. Orain, autoa jasotzera Madrilera joateko jarri dien agindua kritikatu du HBk, sinatzera joaten diren epaitegian bertan jaso zezaketelako. HBko abokatuek egin

zuten proposamen hori atzera bota du, ordea, epaileak. «Jarri horrekin behin-behineko askatasuna hautsi dugun atzaria izan nahi du epaileak Mahai Nazionalako kideak berriro espetxeratzeko», dio alderdi abertzaleak agiri batean.

Epaile instruktorearen jarra eta AVT (Asociación de Víctimas del Terrorismo) elkarteak abokatuen bat datozela adierazi zuen HBk, «Euskal Herriarekiko gorrotoan oinarritutako filosofia politiko bera erakutsiz». AVTk 23na urteko espetxe zigorra eskatu du kide bakoitzarentzat, ETako kide izateaz akusatuta; fiskalak eta akusazioak 8na urte eskatu dituzte.

Martinez Pereda «ideologia ultrasinistren epaile ezaguna» dela dio HBk. Efe agentziak Auzitegi Gorenean duen korrespondentsala Tomas y Valiente ETak hil zuen magistratuaren semea dela gogoratu ere du. X

IU diru bereizien lege proiektuaren aurka dago

Batzordeak oniritzia eman zion atzo

Agentziak / Gasteiz

IZQUIERDA UNIDA talde parlamentarioak ez dio oniritzia eman Jaurilaritzak aurkeztu duen diru bereizien lege asmoari. Zalantza nagusia da diru horien kontrola nola egingo duten euskal erakundeak. Juan Maria Atutxa Herriaingo sailburuak Gasteizko Legebiltzarrean aurkeztu duen lege asmoak zazpi artikulatu ditu, eta horietatik seitan talde guztien oniritzia izan du, HBrena salbu. Zazpigarren atalari, ordea, IUk ez dio babesa eman.

Javier Madrazoren taldeak gaitzetsi egin du legeak aurreikusten duen era diru bereizien kontrola egiteko. EAJ, EA, UA, PP eta PSE-EEk hitzartu dute Barne arazoetarako batzordeak bost kide izendatuko dituela

kontrola egiteko. Bost kide horiekin batera batzordeko lehen-dakariak osatuko du diru bereizien batzordea. Kideak auzipetze Legebiltzarreko hiru bostenen botoak beharko dira.

IUK, ordea, nahi du batzordeko kideak gehiengo absolutuaren bidez hautatzea. Nerri horrekin lortuko luke Gobernu laguntzen duten kideek gehiengo ez izatea batzordean. Zazpigarren atalak, halaber, Barne sailburuaren agerraldiak arautuko ditu. Lege asmoaren arabera, Jaurilaritzako Herriaingo sailburuak sei hilabete behin kontuak eman beharko dizkio batzordeari.

Diru bereizien erabilera sekretua murriztu nahi du IUK; erabilera sekretu horrek ezingo duela eragotzi edozein ikerketa judizial, baita idatziak. X

Tiro egin dute Gernikako Herriko Tabernaren aurka

AABen arabera, guardia zibilek egin zuten

Erredakzioa / Bilbo

GOIZALDEKO bostak aldera ezezagun batzuek tiro egin zuten airera Herri Batasunak Gernikan duen egoitzaren inguruan. Baletako batek Arrano elkarteak ate gaineko kristala apurtu zuen eta tabernako sabaiari sartu zen. Auzokideak abisatuta, Ertzaintza eta Guardia Zibila bertaratu ziren, eta balazalen bila aritu ziren. Gaur goizeko hamarretan Gernikako Udaleko bozeramaileen batzorde berezia bilduko da gertatutako aztertzeke. HBk gertakizunok epaitegian salatuko ditu ikerketa zabal dadin.

Amnistia-aren Aldeko Batzordeak azaldu dutenez, tiro egin zutenak guardia zibilak dira. Erakunde horrek emandako bertsioaren arabera, herenegun arratsaldeko 18:00ak aldera guardia zibil batek auto istripu bat izan zuen Renteria auzoan. Ertzaintza eta guardia zibil gehiago bertaratu eta eztabaida gogorra izan zuten bi polizi gorpuzten artean. AABek kontsultatutako lekukoaren arabera, istripua izan zuen guardia zibilak mozkor zegoela zirudien. AABek lotu egin dute gertakizun hori handik ordu batzuetara izandako tiroketarekin. X